

- moderniziranje biblioteka i popuna knjižnog fonda,
 - školske i studentske obrazovne manifestacije,
 - unapređenje uslova za rad i nastavu osnovnih i srednjih škola,
 - afirmacija bh. identiteta i tradicionalnih bh. vrijednosti.
3. Sport:
- takmičarsko-razvojni sport,
 - programska djelatnost gradskih sportskih saveza, klubova,
 - stručna djelatnost na usavršavanju talentovanog sportskog podmlatka,
 - sport za sve,
 - organizacija masovnih i javnih sportskih manifestacija,
 - usavršavanje stručnog kadra koji se potvrdio na podizanju talentovanog sportskog podmlatka,
 - stručno razvojni rad na projektovanju strategije razvoja i inovacionih sportskih tehnologija razvoja sportskih grana.

Član 7.

Gradska služba za društvene djelatnosti vrši obradu zahtjeva za dodjelu sredstava pristiglih na Javni poziv i to na osnovu općih i posebnih kriterija utvrđenih ovim Pravilnikom.

Prijedlog liste prioriteta sa kompletnom dokumentacijom dostavlja se gradonačelnici Grada Sarajeva koja, uz konsultaciju sa zamjenicima gradonačelnice, donosi konačnu odluku.

Član 8.

Korisnici sredstava iz stava 2. prethodnog člana dužni su gradonačelnici Grada Sarajeva dostaviti izvještaj o namjenskom utrošku shodno odredbi u članu 3. Odluke o izvršenju Budžeta za 2005. godinu ("Službene novine Kantona Sarajeva", broj 3/05).

Član 9.

Ovaj Pravilnik stupa na snagu danom donošenja, a objavit će se u "Službenim novinama Kantona Sarajeva".

Broj 01-14-5218/05
1. novembra 2005. godine
Sarajevo

Gradonačelnica
Semih Borovac, s. r.

OPĆINA CENTAR

Općinski načelnik

Na osnovu člana 46. Zakona o prostornom uređenju ("Službene novine Kantona Sarajeva", broj 7/05) i člana 25. Statuta Općine Centar Sarajevo-Prečišćeni tekst ("Službene novine Kantona Sarajeva", broj 23/04), načelnik Općine Centar Sarajevo, dana 9. novembra 2005. godine, verificovao je i donio

ODLUKU

O KOREKCIJI REGULACIONOG PLANA PROSTORNE
CJELINE "BJELAVE-NEMANJINA" ("ČEKALUŠA")

Član 1.

Utvrđuje se korekcija Regulacionog plana prostorne cjeline "Bjelave-Nemanjina" ("Čekaluša") (u daljnjem tekstu: korekcija Plana).

Član 2.

Korekcijom Plana se omogućava dogradnja i promjena namjene objekata u Ulici Mehmedbega Kapetanovića Ljubušaka broj 16, na parceli označenoj kao k.č. 1289 K.O. Centar Sarajevo IV novog premjera, odnosno k.č. 118 K.O. Sarajevo LV starog premjera, koji je u vlasništvu Republike Francuske. Objekat će služiti kao diplomatsko-konzularno predstavništvo - konzulat. Primarni horizontalni i vertikalni gabariti objekta se zadržavaju sa spratnošću P+2 i gabaritom 10,0 x 9,0 m, a dogradnja se planira u unutrašnjost parcele u vertikalnim gabaritima koji nisu značajnije sagledivi u ravni postojećeg uličnog platna (prizemlje). Obim objekta sa dogradnjom je 16,25 + 10,18 + 10,00 + 9,00 + 14,00 m.

Član 3.

Korekcija Plana sastoji se iz tekstualnog dijela i grafičkog priloga broj 11 - Urbanističko rješenje.

Tekstualni dio i grafički prilog korekcije Plana su sastavni dio Regulacionog plana prostorne cjeline "Bjelave-Nemanjina" ("Čekaluša") ("Službene novine Grada Sarajeva", broj 12/91 i "Službene novine Kantona Sarajeva", broj 3/04).

Član 4.

Po jedan primjerak ovjerene Korekcije Plana (tekstualni dio i grafički prilog) nalazi se na stalnom javnom uvidu i čuva se u nadležnoj Službi Općine Centar Sarajevo, Zavodu za planiranje

razvoja Kantona Sarajevo i Ministarstvu prostornog uređenja i zaštite okoliša Kantona Sarajevo.

Član 5.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 10-23-6225/05
9. novembra 2005. godine
Sarajevo

Načelnik
Općine Centar Sarajevo
Dževad Bećirević, s. r.

OBRAZLOŽENJE

I - PRAVNI OSNOV

Pravni osnov za donošenja ove korekcije sadržan je u članu 46. Zakona o prostornom uređenju Kantona Sarajevo ("Službene novine Kantona Sarajevo", broj 7/05), kojim je regulisano da se u slučajevima evidentnih nedostataka, nedorečenosti ili razlika u grafičkom i tekstualnom dijelu Plana, može izvršiti korekcija provedbenog plana, s tim da se korekcijom provedbenog plana ne može mijenjati osnovni koncept Plana. Korekciju provedbenog plana, na zahtjev općinskog načelnika, izrađuje Nosilac izrade Plana, a istu verifikuje općinski načelnik, uz prethodno pribavljenu suglasnost nadležnih ministarstava, a ako je Plan na području općina koje ulaze u sastav Grada Sarajeva, općinski načelnik je dužan pribaviti i pismenu suglasnost gradonačelnika.

Statutarni osnov za izradu korekcije Plana je član 25. Statuta Općine Centar Sarajevo-Prečišćeni tekst ("Službene novine Kantona Sarajevo", broj 23/04) kojim je regulisana nadležnost općinskog načelnika.

II - RAZLOZI DONOŠENJA

U skladu sa odredbama člana 46. Zakona o prostornom uređenju ("Službene novine Kantona Sarajevo", broj 7/05), načelnik Općine Centar Sarajevo je pokrenuo inicijativu za korekciju Regulacionog plana prostorne cjeline "Bjelave-Nemanjina" ("Čekaluša"). Inicijativa je dostavljena Zavodu za planiranje razvoja Kantona Sarajevo, kao Nosiocu izrade usvojenog Regulacionog plana prostorne cjeline "Bjelave-Nemanjina" ("Čekaluša"), dopisom broj 07-23-3298/05, od 22. 6. 2005. godine, a odnosi se na dogradnju i promjenu namjene objekata za potrebe ambasade Republike Francuske.